



Australian Government

Department of Health

TGA nih Australia mi pawl kha COVID-19 siichunhnak ituah dingah mah le mah izumhnak a pek hna lai

Coronavirus pulrai dohnak caah COVID-19 siichunhnak cu a biapi ngai pakhat a si lai.

Australia Ngandamnak lei Thilri pawl Zohkhenhnak (Australia's Therapeutic Goods Administration (TGA)) cu Australia ah COVID-19 siichunhnak hmanna caah zohfelnak le hnatlakpinak tuah dingah tuanvo a ngei. TGA nih a thathnemnak pawl dihlak le siichunhnak lei tihnun khawhnak pawl a tuaktaan. TGA nih siichunhnak i a himnak le a thathnemnak biakhiahnak caah a tuahtomi pawl cu a felfai, a huap a kau- i zalong tein tuahmi a si.

Asinain TGA lawng nih a tuah lo. TGA nih phung ning tein vawlei cung kakip i riantuan ning he naihnam in rian a tuan. Nifatin rian an tuanti, an dihlak caah san a tlai dingmi theihhngalhmi ihrawmnak um hrimhrim seh ti duhnak he.

Siichunhnak hnatlakpinak tuah le tuahlo nak ah, ser ningcang le sii lei kongkau hmuh khawhmi vialte TGA nih zohfelnak a tuah. Hi vialte kongkau cu siichunh dingmi a sertu le a dang thil sining hmuh khawhmi sinin a rami a si.

Sii lei zohfelnak tuah lio le tuah hnu ah a him ko ahcun cu tik lawngah hman dingin siichunhnak cu kan hnatlakpi lai. Siichunh dingmi a sertu nih a chuahmi kha a tha bakmi a si nak, ning tein sermi a sinak le khenkham khawhnak lam aum ning an langhter khawh kha a biapi tuk.

TGA nih siichunhnak a hnatlakpi ahcun, COVID-19 zawtnak a doh khawh ko lai tah na zumh khawh. Siichunhnak nih zawtnak hrik ruangah fak piin a zawmi asilole a thimi milu zat kha a zor ter lai.

A tanglei hnatlaknak ningin, kan rian aa peh cuahmah. Siichunhnak a himnak kha nainiam taktak in zohfelnak pehzulh in kan tuah lai i Australia ah aa chunhmi paohpaoh caah a tham a sinak kha kan zohfel lai.

Ka papekmi a sangbikmi a si bantukin, TGA nih COVID-19 siichunhnak tlamtling tein zohfelnak a tuah- asinain punghmaan nak in a caan a tawi deuh.

Australia in rak luhpimi siichunh dingmi cungah ichunh dingin aa timhmi minung hna cu mah le mah izumh ngam deuhnak a pek hna lai. Hi nih hin zapi ngandamnak lei a thabikmi a phichuak a hmuhco ter lai.

Kan tahfung pawl dinhdorhnak pakhat hmanh um lo in zetindah siichunh dingmi kongkau ah zohfelnak lei tawrelnak kan rak ngeih? TGA nih a sertu pawl sin in data caan hmaan tein a laak lengmang. Biahalnak tuahmi pakhat khat ran tein leh dingah anmah he rian kan tuanti cang.

Siichunh dingmi cu phu a phunphun nih a lamkip in zohfelnak kan ngei. Siichunh dingmi phung ning tein le himnak he zohfelnak a tuahmi minung tampi kan ngei fawn hna. Pum aa pekmi kan thiamsang pawl cu lunglawm tein rian an rak tuan hna.

TGA nih siichunh dingmi zohfelnak a tuah lio ah data le thilsining kongkau tialmi cahmai tampi a tuaktaan tiah na theih men lai. Zei setset dah kan zohmi a si?

Siichunhnak kherhlainak an tuahnak hmunhma i a thatnak telchih in zeizong te kan zoh dih. Serchuah ningcang pawl ka zoh. Siibawi pawl i pumkhuainak le siizung pawl sin ah a kalmi siithawl pawl kha kan zoh, cun sii lei hneksaknak tuahmi data le a himnak kong tialmi a dikthlir zong kan zoh fawn.

Australia Acozah nih Nohawng (February) thla cheu hrawng in papek deuhmi Australia mi pawl siichunhnak hramthawk dingah aa ruahchan.

TGA ah kan rian cu hi siichunh dingmi pawl cu a himmi, a thami a si tiah Australia mi pawl fianter le felfai tein kan ichiahmi tahfung pawl tlinh kha a si.

Professor Bawmtu John Skerritt, Ngandamnak lei Thilri pawl Zohkhenhnak hruaitu.